

ԴՐՕՇԱԿ

„ՀԱՅ ՅԵՂԱՓՈԽԱԿ. ԴԱՇՆԱԿՑՈՒԹԵԱՆ“ ՕՐԳԱՆ

1894-1895

1894 թ. հայկական յեղափոխական կեանքի դարա-
 գլուխն է կազմում. նա նշանաւոր և հարուստ է թէ
 ոգով, թէ իւր տւած հերոսական զոհերով և թէ այն
 բարձր ոգևորութեամբ, որով բռնւած է այսօր համայն
 հայութիւնը. նա, հայութիւնը, այսօր մի մարմնացած
 յեղափոխութիւն է: Հայ յեղափոխական կեանքը իւր
 30 տարւայ գոյութեան ընթացքում երբէք չի տւել
 այսքան շատ, այսպիսի մեծ զոհեր և չի տեսել այս-
 պիսի ընդհանուր ժողովրդական ոգևորութիւն, համա-
 կրութիւն ու շարժում: 1894 թ. ամենափայլունն է մեր
 յեղափոխական կեանքում թէ իւր որակութեամբ և թէ
 իւր ծաւալով:

1894 թ. էր, որ ժողովրդի հաքազատ քաջ զաւակը՝
 Յակոբը փորձ փորձեց սպանել սևանուն Աշըգեանին:
 Աշըգեանը եթէ այսօր չկայ, եթէ նա մեզ համար մե-
 ուած է, այդ շնորհիւ Յակոբի էր. այդ փառքը նրանն է,
 նրա ինքնուրոյն գործունէութեանը. այդ գործը նրա ազ-
 նիւ սրտի պահանջն ու արձագանքն էր և ոչ ոք չի
 կարող խել նրանից այդ և ուրիշ անւան տակ դնել.
 նրա բազմաչար բոկորները կը բողբեն դրա դէմ.
 Հնչակեանների անյաջող փորձն սպանելու Սիմոն պէյին,
 Մարգարի և Թիրայրի հերոսաբար, յանուն ժողովրդա-
 կան շահերի կախաղան բարձրանալը, ժողովրդի, հալա-
 ծեպի ու տանջւածների պաշտպանների՝ հայդուկային
 խմբերի տաճկա-ուսական սահմանազխի և Վասպու-
 րականի ընդհարումը թշնամու հետ, Մուշի և Եւզո-
 կիայի անամթ և անխիղճ կոտորածը և բոլորի պակ՝
 Սասունի հերոսական կռիւը, կռիւ որ իսկապէս մի պա-
 տերազմի էր նմանում: Դեռ մի կողմն ենք թողնում
 այն անընդհատ, ամեն քայլափոխում պատահած ընդ-
 հարումները, որ տեղի են ունենում կառավարութեան
 և ժողովրդի, քրդերի և հայերի մէջ. այն ամենօրեայ
 կրկնող բազմաթիւ թալանները, առևանգութիւնները,
 անպատուութիւնները, կողպուտները, սպանութիւնները,

հրդեհները և այլն: Այս բոլորի ամբողջութիւնը, որ
 մենք խոշոր գծերով դրինք այստեղ, տալիս է 94 թւա-
 կանի յեղափոխական կեանքի պատկերը. թէև տխուր,
 վշտացուցիչ է, որովհետև միշտ արիւն է հոսում, բայց
 ոգևորող և խրախուսիչ է, որովհետև ազատութիւնը
 այդ է պահանջում.....

Բայց ինչ կը տայ մեզ 1895 թւականը:

Հարկաւոր չէ մարգարէ լինել գուշակութիւններ ա-
 նելու համար: Ով որ ծանօթ է պատմութեան և մարդ-
 կային կեանքի օրէնքներին, նրա համար շատ պարզ է,
 կը լինի նոյնը ինչ որ 94 թ. միայն, յոյս ունենք, աւե-
 լի ուժեղ, աւելի խիստ կերպով և միևնոյն ժամանակ
 աւելի տակտիկայով: Այլապէս չի կարող լինել, որովհե-
 տև նա զարգանում, աճում է և դրա հետ միասին նա
 ձեռք է բերում փորձառութիւն: Բացի այս՝ մեր յե-
 ղափոխական կեանքն այսօր դուրս է այնպիսի պայ-
 մանների մէջ, նա զարգացման այն աստիճանի է հազ
 սել, որ բնականաբար տեղի են ունենալու աւելի խոշոր
 դէպքեր. այդպէս է նրա ընթացքը և այլապէս էլ
 լինել անհնարին է: Մենք համոզւած ենք, որ ոչ ոք
 չի կարող կանգնեցնել կամ փոխել հայկական կեանքի
 յեղափոխութիւնը: Մինչև նա չհասնի իր նպատա-
 կին ազատութեան, փորձերն ու ճիգերն ապարդիւն
 կանցնին կեանքի երկաթի օրէնքի առաջ: Սրա վրայ ա-
 ւելացրէք և այն, որ դարերի ստրկական կեանքի դառն
 փորձերը մի կողմից, 30 տարուայ անընդհատ, թէև
 թոյլ կռիւը միւս կողմից, համոզել է ժողովրդին, որ
 իր ազատման միակ ելքը, միջոցը յեղափոխութիւնն է:
 Եւ ահա համոզւած հայ յեղափոխականներին հարկա-
 ւոր էր և այս՝ որ ժողովուրդը ոչ մի յոյս չգնի կա-
 ռավարութեան վրայ, որ բոլոր չարիքների աղբիւրն է,
 այլ իր ներքին, սեփական ուժերի, որ իրեն փրկողը,
 ազատողն ինքն է լինելու հրի և սրի միջոցով մեծաքա-
 նակ զոհերով: Հայ յեղափոխականը հասած լինելով
 այդ կէտին (որ անհրաժեշտ էր) և լաւ հասկանա-
 լով, որ միտքը կեանքի ուժեղ ֆակտորներից մէկն
 է, որ նրա դերը մեծ է, կը կրկնապատկէ իր գործու-

գամը չէ, որ տայ թաւառում են նրա փիճաբով, բայց յուլիսեան համար անհրաժեշտ պայմաններ են, որովհե-

նէութիւնը, մի կողմից շարունակելով իր պրօպագանդան ու ագիտացիան, միւս կողմից հարւածներ տալով կառավարութեան՝ մղելով անընդհատ կռիւ, միշտ ու միշտ աւելացնելով, բազմացնելով առաքեալների թիւը: Այս բոլորը՝ հայ յեղափոխականի գործունէութիւնը, ժողովրդի համոզմունքը, ներկայ տիրող պայմանները և կեանքի օրէնքներն առհասարակ են, որ 1894 թ. հետեւող թւականները յեղափոխական տեսակէտից կը լինեն աւելի եռանդուն, աւելի ուժեղ, աւելի հարուստ:

Այսպիսի դրական օրէնքների ու փաստերի վրայ հիմնւած մեծ՝ յոյսերով ենք մտնում 1895 թ. Մենք յոյս ունենք, որ կունենանք դարձեալ այնպիսի կռիւ, ինչպէս Սասունին էր: Յետ նահանջել մենք չենք կարող և ոչ մի պայմանով էլ չպէտք է նահանջել, մինչև թշնամին զինաթափ չլինի, մինչև նա չնկճւի ժողովրդեան պահանջի առջև: Մենք այս ասում ենք վստահութեամբ, մեզ հետ ունենալով նրա կուսելու եռանդը: Այլ անցան, գնացին այն օրերը, երբ հայ ժողովուրդը փախչում, վախենում էր զոհերից, արիւնից: Նա ոչ միայն վարժեւել է դրանում, այլ, կրկնում ենք, համոզուել է, որ այդպէս է հարկաւոր, որ այդ է միակ ճանապարհը: Այսպիսի համոզմունքով ու վստահութեամբ նա Սասունի կուսով բացարձակ կռիւ յայտնեց սուլթանի կառավարութեան, դրանով կտրեց իր բոլոր յարաբերութիւնները և իբրև թշնամի նրա առջը դուրս եկաւ. հաշտութիւնն այլ ևս անհնարին է և նա ոչ փնտրում և ոչ հայցում է: Սասունի կրուով ժողովուրդը դրական ձևով դրեց կառավարութեան առջև՝ մահ, կամ ազատութիւն. իսկ կառավարութիւնը դրա դիմացը դրել է՝ կամ կոտորած, կամ կատարեալ ընկճում. որոշումներ, որ ոչ մի պայմանով չեն կարող հաշտել: Ո՞րը կը յաղթի...

Երկու թշնամի բանակները եռանդով առաջ են տանում իրենց գործունէութիւնը. ժողովուրդն ընդդիմադրում, ապստամբում է. կառավարութիւնը կոտորում, աշխատում է ընկճել, ինչպէս Սասունին արաւ: Ո՞վ կը յաղթի.— Նա՛, ասել ենք մենք արդէն, ով բարոյապէս բարձր է: Հակառակորդ ուժերը հաւասար չեն. ինչ կասկած, որ կառավարութիւնն ուժեղ է և դեռ մի քանի Սասունի կուսի պէս կռիւներում կը կոտորի: Բայց կոտորել չի նշանակում յաղթել: Ո՞չ, հայ ժողովուրդը չի յաղթուել և չի յաղթուիլ. չի յաղթուել որովհետև զէնքը վար չի դրել, որովհետև թշնամին դեռ չի կարողացել խլել նրանից ապստամբական արնագոյն դրօշակը, որ նա բարձր և ուժեղ բռնել է, որը ծածանում է Հայաստանի ամեն մի անկիւնում. չի յաղթուիլ, որովհետև ուժեղ է այն ձեռը որ բռնած ունի այդ դրօշակը և Սուլթանի կառավարու-

թեան պէս անամօթ, ստոր ու վախկոտ կառավարութիւնը չի կարող իւր անմաքուր ձեռներով մօտենալ և խլել այդ անարատ դրօշակը և անպատուել, պղծել նրան: Ո՞չ, այդ դրօշակը չի ընկնիլ մինչև յետին հայի վերջին շունչը: Մի միայն երբ Սուլթանի կառավարութիւնը հպարտութեամբ կարող կը լինի ասել՝ այլ ևս Հայաստանում հայ չկայ, երբ նա կը տեսնի իւր ոտերի տակ ածուխ դարձած դիակներ և արիւնը այ աւերակներ, այն ժամանակ նա յաղթող կը լինի և միայն այն ժամանակ անարատ դրօշակը կը պղծուի... Բայց քանի կայ, քանի ապրում է հայ ժողովուրդը, կայ և ապստամբական դրօշակը, կայ և հերոսական կռիւը:

Եւ այդ կռիւը, որ այսօր աւելի լարւած բնաւորութիւն է ստացել, կը շարունակուի. նա մի բողբոջ, մի վարկեան անգամ կանգ չի առնի, մինչև որ ժողովուրդն իր նպատակին չհասնի, մինչև Հայաստանի հողի վրայ ապրող ժողովուրդների վզին ծանրացող լուծը չջարգուի և նրա տեղը չբռնի ազատութիւնն ու եղբայրութիւնը, խաղաղ, ապահով կեանքն ու աշխատանքի արդար վայելումը: Այդ են պահանջում իւր կեանքը, իւր մարդկային իրաւունքները, այդ են պահանջում և իւր հազարաւոր նահատակների ոգին ու արիւնը, որոնք ընկել են քաջաբար, որոնք հարթել են ճանապարհը, որոնց յիշատակը վառ պահելու համար, պարտաւոր ենք այդ օրն իբրև Մեծ-Տօն տօնել: Եւ մի՞թէ մենք կարող ենք չգնալ այդ ճանապարհով, որ միակն է և որը մեզ տանում է գէպի մեր նպատակը, որ քան էլ նա ծանր, դժուար և փշոտ լինի:

2է՛, մենք կերթանք այն ճանապարհով, որով գնացել են յեղափոխական ժողովրդի ուսուցիչները՝ Սասունցիք: Այո՛, Սասունը յեղափոխական ժողովրդի ուսուցիչն է, որովհետև այդ առաջին անգամը չէ, որ նա ապստամբական դրօշակ է բարձրացնում, — այդ գիտէ իւրաքանչիւր հայ. նա ապստամբել է ոչ թէ միայն մի քանի անգամ, այլ նա միշտ անընդհատ կուսի մէջ է եղել կառավարութեան հետ և մինչև իր ընկնելը կիսաանկախ դիրք է ունեցել: Եւ ո՞վ կը յանդգնի ասել, թէ Սասունի ապստամբութիւնը սրա կամ նրա գործն է. ո՞չ ոք... այդ կը նշանակէ անպատուել հայ յեղափոխական ժողովրդի ուսուցիչն՝ Սասունին, այն Սասունին, որի անունը շատ վաղուց է, որ սիրելի է տանջող ժողովուրդին, որի յոյսերի աղբիւրն է: Մենք կերթանք այդ ճանապարհով, մեզ հետ ունենալով այն բարձր յոյսը, որ մենք կը յաղթենք: Եւ մենք կը յաղթենք: Մենք կերթանք այդ ճանապարհով, որովհետև մենք ուզում ենք ապրել, բայց ոչ այնպէս, ինչպէս ապրել ենք դարերով՝ ստրուկ, կեղեքւած, անպատուած, հալածուած, ստորացած... Այս կուսելու գիտակցութիւնը, որ այժմ յատուկ է ոչ միայն համըզած յեղափոխական-

ներին, այլ և մտել է ժողովրդի բոլոր խաւերը, մեզ առհաւատչեայ է, որ սկսածը կը շարունակւի, որ մենք կը գնանք նոյն ճանապարհով, մի րոպէ անգամ չչեղւելով և հաւատարիմ մնալով մեր սկզբունքին և նրանց, որոնք զոհել են իրենց, նահատակել են ժողովրդի համար ապագայ սերնդի համար:

Մենք մտնում ենք 1895 թ. թէև սգաւոր, տւած լինելով հազարաւոր զոհեր, բայց փառաւոր անցեալով և ապագայի մեծ յոյսերով:

Մենք մտնում ենք 1895 թ. տխուր, բայց եռանդով որ ներշնչել են մեզ նոյն իսկ այդ հազարաւոր զոհերը:

Մենք մտնում ենք 1895 թ. մնայլ դէմքով, բայց ոչ ջարդւած, փշուած սրտով:

Մենք մտնում ենք 1895 թ. հազարաւոր ընտանեքների լաց ու կոծով, լաց, որ ոչ թէ գթութիւն է հայցում, այլ վրէժ է պահանջում, որ բողբոջում է անլսելի գազանութիւնների դէմ և արդարութիւն է պահանջում: արդարութիւն ոչ թէ օտարի ձեռքից, այլ իր հարազատից, իր եղբորից:

Մենք մտնում ենք 1895 թ. հազարաւոր եղբայրների և քոյրերի հետ քաղցած, մերկ ու ոտաբոբիկ, որ պատճառել է թշնամին:

Մենք մտնում ենք 1895 թ., մեր առջև ունենալով հազարաւոր գիակներ և աւերակ դարձած երկիր:

Եւ այս բոլորը մեզինց, ժողովրդից պահանջում է վրէժ:

Ժողովուրդ, քո քոյրերը և եղբայրները, քո որբերը քեզինց պահանջում են և՛ օգնութիւն, և՛ վրէժ Թշնամին ոչինչ չի խնայում, այդ դու լաւ ես տեսնում և մի՞թէ այսօր ևս դու կը շարունակես քո նախկին թուրութիւնը, չես լսիլ այն ձայները, որոնք միշտ բղաւում էին, թէ կոտորում են, կոււում են...

Ո՛չ, մենք ուզում ենք հաւատալ, որ դու այլ ևս չես մերժիլ օգնութեան ձեռք կարկառելու քո թշուառ եղբորը, որովհետև նա քեզ ցոյց տուց, որ գիտէ կուել որովհետև այդպէս է պահանջում քո պատիւը: Ո՛չ, մենք ուզում ենք հաւատալ, որ դու ձեռք կը տաս եղբորդ, սրպէս զի նրա բարձրացրած ապստամբական դրօշակը շանպատի, որ նա ծածանւի մինչև Հայաստանի և նրա ժողովրդների կատարեալ ազատումը:

Եղբայրներիդ վճռել են կամ ձեռք բերել ազատութիւն, կամ թշնամուն տալ աճխացած գիակներ և արիւնոտ աւերակներ: Մի՞թէ դու կարող ես անտարբեր մնալ. — Ո՛չ:

Եւ մենք մտնում ենք 1895 թ. մեծ յոյսերով՝ խրախուսւած և ոգևորւած:

Կեցցէ՛ ժողովուրդ, կեցցէ՛ յեղափոխութիւն:

Ս Ա Ս Ո Ւ Ն Ի Կ Ռ Ի Ի Ը

I

Սասնոյ մէջ պատահած եղեռն դէպքերու տեղեկութիւններ. —

Շէնիք Սասնոյ մի գաւառն է. ունի 4 գիւղ՝ Շէնիք, Մզրէ-Սօրք, Գուռճօք, և Տարի: Շէնիքու այս 4 գիւղերու հայերուց սպանւածներն են 950 հոգի, թէ այր, թէ կին, և թէ երեխայ, որոնց 920 Շէնիքու են և մընացեալ 330 միւս գիւղերէ են: Այս թշուառներէ շատեր Երզնկայու Մուշուր փաշայի հրամանաւ ողջ ողջ քարերէն վար նետելով սպանեցին, շատերն ալ ողջ ողջ թաղեցին, իսկ մնացած մասը սրէ անցուցին, գիւղերը այրելով մոխիր դարձուցին: իսկ ողջ մնացողներն օթի, սովալլուկ Մշոյ-Գաշտի գիւղեր կը պտտին:

Շէնիքու Տէր-Յովհաննէս 140 հոգով գնաց Օսմանցու թանակ Մուշուրիին անձնատուր եղաւ. Մուշուր հրաման ըրաւ իր զօրքերուն Տէր-Յովհաննէս քահանայի հետ մէկ տեղ այդ թշուառներէ մի քանիսին կապեցին և ողջ ողջ քերթեցին, իսկ մնացածներէն մաս մը ողջ ողջ թաղեցին, իսկ մնացեալին զօրքերուն հրաման ըրաւ սուրերով կոտորել: Շէնիք գիւղի եկեղեցոյ մէջ փեցած շներ տարին թաղեցին, այսպէս անարգանօք կը կատակէին մեր սրբավայրեր:

Ալեան, որ Սասնոյ մէկ գաւառն է, կը բաղկանայ 14 գիւղերէ: Երբ կռիւ սկսաւ Չայ գիւղի վրայ, տաճկաց ամբողջ ղինուորութիւնն այդտեղ հաւաքեցաւ: Երզնկու Մուշուր փաշան 30-ի չափ թնդանօթով, 24 գունտ հետեակ և հծծեալ զօրքերով այդ գաւառի 14 գիւղերու դէմ պատերազմ մղեց. Այդ գիւղերու հայեր Չայ գիւղի անառիկ տեղեր ապաստանելով՝ դէմ դրին 25 օր: Տաճիկ զօրքեր որչափ որ թնդանօթով կը ումբակոծէին այդ անառիկ տեղը, ոչինչ օգուտ չէր ընէր: Երբ հայերու կերակուր և զէնքի պաշարը հատաւ, սկսեցին ցիր ու ցան իջնել. այդ ատեն տաճիկ զօրքեր սկսան հալածել հայերուն. կնիկներուն որովայններ ձեղքելով՝ զաւակներ կը հանէին, կը կտրէին, մարդիկ ողջ ողջ կը թաղէին. գիւղեր այրելով՝ մոխիր ըրին և այդ գիւղերն այրած ժամանակին կը հաւաքէին զմարդիկ, կը լցնէին տուներու մէջ և կայրէին: Ամբողջ 40 օր այդ եղեռնագործութիւն ի գործ գրւաւ: Ալիանցիք կորուստ ունեցան 2000 հոգի՝ մարդ, կին, երեխայ:

Պատերազմ սկսեց Գէլիէ-Վուզանայ վրայ: Գէլիէ-Վուզան ունի 22 գիւղ: Այդ գիւղերու բնակիչները լեռան գլխին ամրացան: Անոնց դէմ ելնող զօրքերու թիւը 30,000 կը հասնէր, թէ քիւրդ, թէ համիտեայ և թէ կանոնաւոր զօրք, 50-իչ ասի էլ թնդանօթ: Ամբողջ քսան օր պատերազմեցան այդ երեսուն հազար խուժանի և յիսուն թնդանօթի դէմ: Երբ Ալիանցիք յաղթեցան, Գէլիէ-Վուզանցոցն ալ արդէն վառօղ և կերակուր հատած էր: Գէլիէցին իր վերջին յուսահատական ճիգ այսպէս թափեց թշնամու վրայ. աչքի առաջ ունենալով հերոսական մահը, զէն ի ձեռին արձակում ըրաւ թշնամի բանակի վրայ և մեծ ջանք տուց: Երբ

պատր շէն քո դրօշակը զբաղւում են նրա վիճակով, բայց յուլիսեան համար անհրաժեշտ պայմաններ են, որովհետև

Թշնամու բանակ երթալով սուարացաւ, գէլիէցիք ըսկ-
սան խոյս տալ: Այնտեղ Ալիանից Գանըուու Նավալէ
Մամբան գիւղացի Հեպօեան քաջարի Վարդան անուն
անձը մէկ դաշոյնով քսանի չափ զօրք սպանեց և յե-
տոյ ինքն ալ սուինի հարւածներով սպանաւ:

Գէլէնցին սկսաւ խոյս տալ և ցիր ու ցան իջնել:
տաճիկներ ետեւէ ընկան, հալածեցին ու կոտորեցին:
Գէլէցոց կոտորածներու թիւը եղաւ 3,000 հոգի, թէ
այր, թէ կին և թէ երեխայ: Գէլէ-Վուզանցոց նորընծայ
Պետրոս քահանան խմբի գլուխ անցնելով՝ քաջաբար
կը պատերազմէր: Երբ խումբը կոտորելով՝ ցիր ու
ցան եղաւ, քսանի չափ զօրքեր յարձակեցան Տէր-
Պետրոսի վրայ և սուիններով զարկին, սպանեցին և գի-
ակը կտոր կտոր արին:

* *

Աղբէք գաւառ ունի ութ գիւղ, որք են՝ Վերին Աղ-
բէք, Ներքին Աղբէք, Խտան, Մուտաժար, Փօման,
Խուսիք, Գալասազ և Չուրուփ:

Կախ երբ դարձաւ Գալուրիկու կողմը, բոլոր Օսմա-
նեան զօրքեր մտան այս գաւառի մէջ, ձեռք անցող
սրէ անցուցին: Փախնող ազատան: Հատերն ալ բռն-
եցին, լցին շէնքերու մէջն ու այրեցին: Այրւածներ
չենք գիտեր որչափ են, միայն թէ 1200 հոգի կորած
են, դիակներու բազմութիւն և մոխրի շատութիւն կը
նշանակէ սպանած կամ վառւածներու թիւը:

Այդ Աղբէք գաւառն աւերելէ զինի Մուշուր փաշա-
յի հրամանաւ բոլոր զօրքեր՝ թէ քիւրդ, թէ համի-
տեայ, թէ կանոնաւոր զօրքեր գումարւած, իրենց հետ
ունենալով 80-ի չափ թնդանօթներ, յարձակում ը-
րին, Գալուրիկայ վրայ, ուր Սասնոյ յեղափոխութեան
կենարոնն է: Գալուրիկայ իր շրջակայ 20 գիւղի բնա-
կիցներով Մուրատի և Ալէքսանդրապօլցի Սենեքերիմի
առաջնորդութեամբ Փըռ-Փըռ քարի վրայ ամրացան
և ամբողջ տասն օր դէմ դրին տաճկին, նրա անչափ
զօրութեան: Մուշուր փաշան իր հնարագիտութեամբ
գտաւ թոյլ դիրքը և սկսեց այդ կէտը թնդանօթնե-
րով ուժբակոծել: Փըռ-Փըռ քարի վրայ ամրացածները
սկսան ցիր ու ցան իջնել: Տաճիկ զօրքերն սկսան գձա-
յերը հալածել, ձեռի անցածները կոտորեցին, թաղե-
րու մէջ մնացածները տուների մէջ փակեցին և ան-
գթաբար այրեցին:

Գալուրիկայ և իր շրջակայ գիւղերու կոտորածներու
թիւ 5,000-ի կը մօտենայ՝ թէ ծեր, թէ երիտասարդ,
թէ կին, թէ երեխայ: Այդ թշուառներու դիակներ
մինչև հիմա էլ առանց թաղելու մնացած են:

Ահա՛ այսպէս դարձած է այս ընդարձակ երկիր...
Անթաղ մնացած դիակներու գարշահոտութենէն ամ-
բողջ քառասուն օր անցնելն անկարելի էր այդ աւե-
րակ դարձած գեղերէն...

Տարւորիկու գիւղերու անուններն են. Հեթիք, Աւա-
դառ, Նանոյ, Տարւորիկ, Եղկարդ, Ծորեր, Սպղանք, Միր-
կեր, Հունուտ, Փորին, Թուալին, Հաքմանք, Հշաղին, Ռէ-
նետ, Բաղսի-Վտոր, Իշինձոր, Նորհան, Կալիի, Խզրիկ:

Ալիանցոց գեղերու անուններն են.—
Չայ, Վերիլմբ, Տարէ, Մերկէխոք, Ալիանցից-Գէլին,

Բլօի գեղ, Կրվօթ-Արի, Բողնցի, Սէվօք, Նավալէ-Մամբան,
Քօք, Բօնկէ հովիտ, Նավալէ-Շանփէ, Գեռհասար:

Գելիէ-Վուզան գիւղերու անուններն են.—

Մերկեր, Վերի, Բլուր, Ամպրներ, Ճըռըզզի, Գավթի,
Տալասև, Հաղմօգոմ, Չախք, Գաջօր, Գավուդին, Մգրե-
խասօ, Նուսենցիք, Հօսլ, Մզրէսան, Օմբեթար, Միհնե-
նէն, Ղարիպլաէ, Գաղվուրի, Աւեախան, Գիլիէ-Վուզան:

Վերոյ գրւած գաւառներու բոլոր գեղեր, որ անւանէ
ականէ յիշած եմ, բոլորն ալ վառւած և մոխր են
դարձած, այդ գեղերու ողջ մնացողներ տակն հազար ժո-
ղովորեան չափ փախած են Մշոյ դաշտի գեղերու մէջ
ցրւած, մերկ ու սովալլուկ կը պտըտեն. ոչ ժողովուրդ
կրնայ օգնութիւն ընել, ոչ ալ կառավարութիւն օգ-
նութիւն կրնէ, որովհետև մեր բոլոր երկիրներ թալան-
ւած են. եթէ օգնութիւնը չը հասնէ՝ բոլորն ալ պիտի
մեռնին աստանդական ու թափառական:

Տէրութիւն հրաման ըրած է, որ սասունցիք երթան
իրենց տեղեր կրկին լեցնեն: Բայց իզուր, որովհետև սա-
սունցիք ապրուստի միջոց չունին, որ երթան լեցնեն ի-
րենց երկիր. մեր եղբարք մեզ կարեկցեն ու օգնեն: Օգ-
նութեան ենք կարօտ:

II

(ՄԵՐ ԸՆԿԵՐՈՋ ՅԻՇԱՏԱԿԱՐԱՆԻՑ)

Խ ն ու ս

Դեռ հայերի և քրդերի անցեալ տարւայ կռի-
պատճառով, որի ժամանակ քրդերը սոսկալի հարւած
ստացան, վրէժ է պահւած եղել հայերի և քրդերի
մէջ: Աւելի կատաղած են եղել հայերի դէմ բազրան-
ցիք և բաղկանցիք:

Սասնոյ հայերը կարծելով, որ այս տարի քիւրդերը
վրէժ լուծելու համար պիտի բարձրանան Անտօք լեռը
զօգան (մենք ասում ենք Եպլաղ) դնելու, աճապարում
են իրենք շուտով բարձրանալ վերոյիշեալ լեռը և
ամուր դիրք բռնել: Բացի այդ հայերը քանդում են
Խիան գաւառի և Սասնոյ մէջ գտանուող Սև ջուր կոչ-
ւած գետի միակ կամուրջը, որպէսզի քիւրդերը չկա-
րողանան մտնել Սասուն (Գալուրիկի թաղերը):

Հենց այս ժամանակներում պատահում են մի քա-
նի անցքեր, որոնք դառնում են Սասնոյ կոտորածի ան-
միջական պատճառները:

Այս տարի գարնան սկզբից շէնիկցի հայեր գալիս
են Մուշ կարաւանի հետ միանում և ճանապարհ ըն-
կնում դէպի Տիգրանակերտ ցորեն բերելու: Կարաւանի
մեծ մասը կազմւած է եղել քիւրդերից: Ճանապարհին
բաղկանցի քիւրդերը յարձակում են կարաւանի վրայ
և կողպտում միմիայն հայերին, տանելով 60 ջորի և
ցորենի համար պատրաստած փողը. շէնիկցի հայեր դա-
ղարկ ձեռներով վերադառնում են իրենց տները:

Մայիսի մէջ Մուրադի կարգադրութեամբ մի փոքրիկ
հայրուկային խումբ, բաղկացած տեղացիներից և օտա-
րականներից յարձակում է բազրանցի ցեղին պատկա-
նող մի գիւղի վրայ, խլում է 65 ոչխար և առանց մի
ժարդ կորցնելու վերադառնում է: Այդ խմբի մէջ են

լինում խասգեղցի Պողոսը, ալէքսանդրապոլցի Սենեքերի-
մը և վանեցի Կարապետը:

Յուլիս ամսին Կէնճի զայմաղամը գալիս է Իշխնձոր
փրղը հարկ հաւաքելու, բայց ձերբակալում է 3 մարդ
իրը յեղափոխականներ և ստիպում է նրանց յայտ-
նել Մուրադի ու իր ընկերների տեղը, թէ որտեղ են
պահած հայերի թնդանօթները, որտեղ են հայերը
զէնք շինում, իսկ գլխաւորապէս՝ որտեղ են պահած
այն 8,000 զինւորները, որոնք ա՛ցել են Ռուսաստա-
նից: Այս 8 հազար հոգու համար պատմում են մի
շատ ծիծաղելի բան: Որպէս թէ այդ հայերը սահմանի
մօտ գտնուող Ղարաղուրուդ ձորից, որտեղից վազում է
Արաքսը, ծակել են սարեր-ձորեր ու գետնանցքով
դուրս են եկել Մուշ և Ս. Կարապետի անտառներում
մնալով 3 օր, այնտեղից մտել են Սասուն ու այժմ
պահոււմ են հայ փրղերում: Երբ Իշխնձորի հայերը
տեսնում են, որ այդ երեք երիտասարդներին շատ են
տանջում, մի անգամ յարձակում են զայմաղամի
վրայ, որն ազատոււմ է փախչելով, Իշխնձորում թող-
նելով իր ամբողջ գոյքը:

Ղայմաղամի փախչելուց յետոյ նոյն ամսին գալիս են
Շէնիկ 200 ասկեար և վրանները խփում մօտակայ մար-
գագետնի վրայ: Մի քանի օրից յետոյ զանազան տե-
ղերից լուր է հասնում Սասնոյ հայերին, որ այս տարի
կառավարութիւնը մտադիր է սասունցիներին սրի բե-
րան տալ: Խիան գաւառում գտնուող հայ փրղերը կա-
մաց կամաց սկսում են դատարկւել: Ամենից առաջ հե-
ռանում են իշխնձորցիք դէպի Տալուրիկ, այրելով իրենց
տները. նրանց հետևում են շէնիկցիք, սէմալցիք, ալիան-
ցիք, Գիլիէ-Վուզանցիք: Իսկ Աղբի և Գլէմսուր փրղերը
մնում են իրենց տեղերը: Հենց այդ ժամանակները սա-
սունցոց գուշակութիւնները կատարւեցան. կառավարու-
թիւնն իր զօրքերը քաշեց դէպի Սասուն: Զբաւականա-
նալով իր 27,000 կանոնաւոր զօրքով, թնդանօթներով,
կառավարութիւնը հրաւեր կարդաց Բաղէշի վիլայեթի
և նրա շրջականների բոլոր ցեղերին: Համտիս աշիրեթ-
ները ամեն կողմից սկսեցին կուտակել Սասնոյ շուրջը:
Հրաւիրում է նոյնպէս հասնանցի Փաթէհ-Աղային իր
բարբարոսներով: Սակայն հասնանցիք չեն գնում Սա-
սուն, նրանք իրենց համար արդէն գործելու ասպարէզ
ունեն. գարնան սկզբից մինչև աշնան վերջը, մինչև հոկ-
տեմբեր ամիսը նրանք կողոպտում են անխտիր կերպով
Բասենը, Խնուսը, Բուլանլը, Մանազկերտը, Ալաշկերտը:

Ահա Սասնոյ վրայ գնացող ցեղերի անունները՝ բագ-
կանցիք, Բագրանցիք, ինկանցիք, մամկանցիք, չիբրան-
ցիք, զուրկցիք, իսնանցիք, սլըքցիկ, զխուրցիք, ոչկոթան-
ցիք և հայդարանցիք:

Այս բոլորի թիւը տաճիկ զինւորների թւի հետ մի-
ասին հասնում էր մօտ 45000-ի:

Սասնոյ կուող հայերից հրացանաձիգներ ընդամենը
եղել են 700 հոգի: Հրացաններն եղել են քիչ բա-
ցառութեամբ նախնական շէշխաններ... Մնացեալ
կուող հայերը զինւած են եղել միմիայն նաջախով,
թրով և այլն: Իսկ Մուրադի մօտ եղել են 7 մարդ
օտարականներ, զինւած բերդանկայով: Հայերի մեծ մա-

սը բարձրացած է լինում լեռները, օր. Անտօք, Կէ-
փին, Փրո-Փրո քար: Սասնոյ պաշարոււմն սկսել է
յունիս ամսից. կռիւն սկսել է օգոստոսի սկզբին և
վերջացել նոյն ամսի վերջին:

Կռիւն սկսել են Բագրանցիք, սակայն ահագին կո-
րուստով ստիպւած են եղել յետ քաշել: Դորանից
յետոյ բոլոր քիւրդ ցեղերը միանգամից յարձակում
են գործում և զանազան տեղերից աշխատում են
բարձրանալ Դալուրիկ և հայերի բռնած լեռները:
Հենց այս ժամանակ սրի ճարակ են լինում Աղբին և
Մուսրի հայ փրղացիք իրենց տների մէջ: Կոտորում
են նոյնպէս և Բասնաց գաւառի հայերը: Ոմանք սրի
զոհ են գնում, իսկ ոմանք կրակի: Կռիւը տևում է
19 օր անընդհատ. քրդերի և տաճիկների կողմից մեծ
կորուստ է լինում Դալուրիկի և լեռների ստորոտնե-
րում: Պատմում են, որ մի հայ նստած է լինում ժայ-
ռի ետև 4 պատրօնդաշ կախած վրէն, բոլորն էլ լիք
փամփուշտներով. ամեն մի փամփուշտով նա մի տա-
ճիկ է գետին փռել. այս հաշուով նա 200-ից աւել
թշնամի է գլորել. դա է սպանել և մի թնդանօթա-
ձիգ: Երբ փամփուշտները բոլորովին սպառում են, նա
բարձրանում, դուրս է գալիս քրդի յետևից, նետում
հրացանը տաճիկ զօրքերի առաջ և գոռում. «Դուք,
անմաքուրներ, արիք, մօտեցէք. ինչ էք վախենում.
Խօմ տեսնում էք, հրացան չկայ այլ ևս, մեն-մենակ
խէնչալս է. ձեզնից շատ շատերին պիտի կոտորեմ սը-
րանով»: Այս բոլորը պատմում էր մի տաճիկ զինւոր:
«Մենք քառասուն հոգի էինք, ասում էր նա, բայց էլի
հազիւ սիրտ արինք յարձակւել վրան և ողջ ողջ բռն-
նել: Մեզնից մի քանիսին վիրաւորեց խէնչալով»:

Հայ տղամարդիկ, շարունակում է թիւրք զինւորը,
անընդհատ կուելուց բոլորովին միջոց չէին գտնում հան-
գատանալու կամ ուտելու: Հայերը երբեմն երբեմն ա-
նօթութիւնից ընկնում էին ուշաթափ: Սառը ջրով լո-
ղացնում էին նրանց, կերակրում էին մածնով, անախ
մնով: Փաշան երբ տեսնում է, որ կուելով անհնարին
է յաղթել հայերին, դիմում է խորամանկութեան: Ա-
զատութիւն խոստանալով՝ բերել է տալիս Տալուրիկի
իշխաններին և քահանային, որպէս զի ներում շնորհէ
ամենքին: Հայերի մի մասը, որ լաւ էր հասկանում
նենգաւոր փաշայի դիտաւորութիւնները, թողեց իւր
անառիկ դիրքը, փախաւ դէպի զանազան կողմեր: Միւս
մասը կէս խափւած, կէս յուսահատուած անձնատուր
եղաւ: Փաշան ճիւղամայում է կոտորել վերջիններին:
Բոլոր անձնատուր եղողները նահատակոււմ են ամենա-
չարաչար մահով: Մի քանի զինւորներ, որ Բաղէշի
հիւանդանոցում պարկած են եղել, պատմում են հե-
տևեալ քստմնելի դէպքը: Գազան փաշայի հրամանով
խոր փոս են փորում, նետում են այնտեղ և սպան-
ւածներին և կենդանի մարդկանց... «Ողջ ողջ թաղում
են հայերին... Այրում էին կենդանի մանուկներին և
ձողերի վրայ բարձրացնելով՝ գոչում էին. «անխելք
հայեր, տեսէք ահա, թէ տղամարդիկ էք, արիք փրկե-
ցէք ձեր մանուկներին»: Եօթը տարեկան մի աղջիկ փա-
խաւ կրակից տեսայ և խղճահարւեցի. փակեցի աչ-

Պիպար չէ, որ զրանք զբաղւում են նրա փրձակով, բայց յուժեղամ համար են ամենչն պայմաններ են, որովհե-

քերս և հեռացայ, գարշելով մեր արած գործերից: Բայց փաշան հրամայեց նորից կրակի մէջ գցել կիսամեռ աղջկանս:»

Մի այլ տեղ զինւորները դազուխի են բարձրացնում մի սիրուն հարսի: Յցերից մաս մաս կտրտում են և կտորները հայերին շարժելով, բղաւում են. «հայեր բարձրած էք, անօթի, ահաւասիկ ձեր սիրելի կանանց միսը, կերէք և ոգի առէք:» Կանանցից շատերը այդ սրտաձմիկ տեսարանին ներկայ լինելով, իրենց ցած են գլորում ժայռերի բարձրութիւնից:

Ռմբակոծել են Տալուրիկը, այրել են եկեղեցին, 3 հարիւր մարդ մէջը: Հայերի մեծ մասը փախել է երկրի վանազան կողմերը: Մի մասը ապաստան է գտել խարզանցի կողած քրդերի մէջ, միւս մասը անցնում է դէպի Խուլփի, Ջապազ-Ջուր և Սղերտ:

Կուից յետոյ զօրքերը մի քանի օր շարունակ շերջում էին լեռներն, անտառները, ապաստանած հայերին կոտորելու համար: Մուրադին գտնում են մի այրի մէջ բոլորովին ուժասպառ: Հրացաններից մի երկուսը լաճախ արձակելուց տրաքել էին: Պատմում են, որ Մուրադին նախ գտել էին բազրանցի քիւրդերը: Մուրադի ապաստանը բարձր էր, անմատչելի: Ջափթի-անները նախ գալիս են զօրքերի հետ:

«Ցած իջէք, գոռում են, դիմելով հայերին:»

—Չենք իջնի առանց սանդուխքի, պատասխանում է Մուրադը: Բերում են գերաններից, տախտակներից սանդուխտ շինում: Մուրադը ցած է իջնում: Նրա բարակ, քնքոյշ կազմածքը տեսնելով՝ մի զապտիա հեղանական ժպիտով մօտենում է նրան, ասելով. «Մուրադ, հա՛, Մուրադ. սա է՛ Մուրադը, այս պատիկ մարմինը:» Մուրադը պատասխանում է. «Ես եմ, այո՛, Մուրադը, բայց ափսոս մուրադիս չհասայ:»

Այդպէս, Մուրադին 22 հոգով բերում են Մուշ իր 4 ընկերներով, փոխադրում են Բաղէշ, իսկ այստեղից Սղերտի վրայով Պօլիս են տանում:

Սասունն ընկձելուց յետոյ քրդերն իրենց իսկական գործը գտան: Ինչ կար չկար, նրանք հաւաքեցին, տարան: Մինչև իսկ հանեցին գետնի տակ պահած թէ եկեղեցիների և թէ կանանց զարդերը: Իսկ զօրքերն իրենց բողբոջ ետեից էին ընկած:

Ժանտախտ հիւանդութիւնը տարածւել էր զօրքի մէջ: Շատերը հիւանդացել էին իրենց կամքից գուրս կատարած դժոխային բարբարոսութեանց պատճառաւ:

Սասունցի կնոջ անվեհեր ընդդիմադրութիւնը, նրա օրինակելի անձնազօհութիւնն արդէն խիստ կերպով տպաւորւել է ժողովրդի սրտում: արդէն հայերի, քրդերի և տաճիկների մէջ պատմում են, որ մի գեղեցիկ կին սպիտակ ձիու վրայ նստած, թուրը ձեռին արշաւելով այս և այն կողմ, տաճիկներին, քրդերին շարժելով՝ սլանում, մտնում է Բալուրիկի եկեղեցին:

Սասունն ամայի դարձնելուց յետոյ կառավարութիւնը խոստացել էր փախստական հայերին թոյլ տալ վերադառնալ իրենց տները, խոստանալով տալ նրանց 50,000 զօշ: Իրենց կրած վնասների փոխարէն Բացի այդ՝ կառավարութիւնը խոստացել էր չչպահան-

ջել 10 տարւայ հարկը այն պայմանով միայն, որ սասունցիք մի շնորհակալութեան թուղթ ուղարկէին Սուլթանին, որ «Սուլթանը բարեհաճեց կոտորել աւազակ և ապստամբ հայերին»: Հայերը պատասխանում են. «Ի՞նչ պիտի անենք մեր տուն ու տեղ, երբ չկան այլ ևս մեր սիրելիք:»

Այսօր Մուշ Բաղէշ սր. կարապետ ի են փախստական սասունցիներով, որոնք ապրում են ցիր ու ցան և խղճալի դրութեան մէջ... Սասունցիք իրենց յոյսը դրել են Ռուսաստանի հայերի վրայ, նրացից են սպասում օգնութիւն...:

ԿԱՌԱՎԱՐՈՒԹԵԱՆ ԽԱՂԵՐԸ.

Սասնոյ կոտորածն աւարտելուց յետոյ կառավարութիւնը ամեն կերպ աշխատեց ձեռները լւալ և յետ կանգնել, ամբողջ մեզքը քրդերի վրայ բարդելով: Ճիշտ է, որ քրդերն են եղել սկզբից կուռղները Սասնոյ դէմ, ճիշտ է, որ հասնանցիք էին Բասենի, Խնուսի հայերի կողոպտողները, ճիշտ որ շիկակները, մուկըցիք, մլանցիք, շարաֆներ, մամայների առաջնորդութեամբ աւերում են Վասպուրականը. բայց ո՞վ է դրանց խրատուողը, ո՞վ է դրանց զէնք տուողը, եթէ ոչ Սուլթան Համիդը իւր կուսակալ փաշաների միջոցաւ: Բացի այդ, ոչ զքի համար գաղտնիք չէ, որ բացի քրդերից, բացի Համիդի գնտերից, Սասնոյ վրայ արշաւել են ահագին քանակութեամբ կանոնաւոր զօրքեր իրենց թնդանօթներով:

Այժմ, երբ ամեն ինչ վերջացած է, երբ Սուլթանն ստիպւած է պատասխան տալ համայն ժողովրդի արգար բողբոջին, երբ Եւրոպան պահանջում է խոստացած բարենորոգումները մտցնելու, Սուլթանը սկսել է իւր խաղերը, և տաճիկ սոված պաշտօնեաների համար բացւել է աշխատանքի մի նոր աղբիւր:

Հոկտեմբեր ամսին յանկարծ կառավարութիւնը մի հրաման է արձակում, որ Ալայ բէկը ինքն անձամբ դնայ այն քրդերի վրայ, որոնք աւերել են Սասունը և այլ գաւառներ, յետ առնի հայերից տարած աւարը և վերադարձնի տէրերին: Ալայ բէկը 200 ձիաւորով նախ գնաց շիրաքի քրդերի վրայ, բայց քրդերը դիմադրեցին, հրաժարեցին որ և է բան վերադարձնել և Ալայ բէկը վախենալով կուից, դատարկ ձեռքով վերադարձաւ և դիմեց հասնանցոց վրայ: Հասնանցիք ոչ մի ընդդիմադրութիւն ցոյց չտուին, յոյսերը դնելով իրենց ցեղապետ Փաթէ փաշայի վրայ, որը Սուլթանի աչքում մեծ նշանակութիւն ունի և որի մի խօսքը բաւական է Ալայ բէկին վերադարձնել: Բայց հակառակ դուրս եկաւ. Փաթին իւր մարդկանցով բռնեց և բերեց Խնուս: Փաթէ փաշան երկար չմնաց. նա շուտով ազատեց, բայց ոչ թէ Սուլթանի շնորհիւ, այլ այն 400 ոսկի կաշառքի, որ նա աւելց Ալայ բէկին:

Բռնւած էր նոյնպէս և Աղամի տղէն: Դա մի շատ հարուստ քիւրդ է, ունի ահագին ազդեցութիւն և ամեն տարի 10,000 աւել ոչխար է տանում Շամ և Հալէպ ծախելու: Դա կարիւնից հեռագրով բողբոջում է Բ. Դուռը՝ յայտնելով, որ ինքն աւազակ չէ, այլ յայտնի

վաճառական. այդ կարող են վկայել և հայերը: Դա էլ ազատեց, որովհետև սպանացել էր կառավարութեան՝ բաց անել գեսպանների առաջ բոլոր գաղտնիքները, ցոյց տալ, որ քրդերն ամեն ինչ կատարել են կառավարութեան դրդամամբ:

Կառավարութեան պաշտօնեաների համար աւելի ձեռնտու էր իրենց ոյժը փորձել համեմատաբար թոյլերի վրայ: Հոկտեմբերից սկսած մինչև նոյեմբերի վերջը բաւականաչափ քրդեր բռնեցան և կողոպտեցան: Նըրանց մալ, ոչխարներ, ձիաները, ամբողջ հարստութիւնը անցան ազա՛հ պաշտօնեաների ձեռքը: Մի քանի տեղեր բռնաբարւած կանայք ու կոյս աղջիկներ: Պատմում են, որ զօրաց անգթութիւններից մի քանիսը դոցանից մեռել են: Այլուած են բաւականին քրդերի տներ: Բանն այնտեղ է հասել, որ քիւրդ աղաները պա՛հ են տալիս իրենց հարստութիւնը: Ես պատահեցի մի երկու տեղ հայի մօտ պահած քիւրդի հարստութիւն: Օրինակ Ղ. գիւղում երբ հիւր եղայ մի հայի տան մէջ, ինձ տարան, պահեցին ճիշտ այն դարմանանոցում, ուր պահւած էր քրդի մի սնդուկ ապրանքը: Նոյնպէս է. գիւղում ինձ տեղաւորեցին էլի դարմանոցում, որտեղ տան տիրոջ որդին ցոյց տւեց մի փոքր ոսկով լի արկղ և երեք հրացան իրենց փամփուշտներով:

Այժմ քրդերը սաստիկ գրգռւած են կառավարութեան դէմ: Նոքա սպասում են գարնան ամբողջ երկիրը հիմնայատակ անելու:

ՍԱՍՈՒՆ ԱՊՍՏԱՄԲՈՒԹԵՆԷ ԱՌԱՋ

II

Մայիսի վերջերը ձիւրանցի քիւրդ աւազակներ Պաղլու (Մշոյ-Դաշտ) գիւղի վրայ յարձակում ընելով կը թալնեն: Մօտակայ գտնւած Զիարէթ գիւղի երիտասարդներէն հաւարի կը հասնին, աւազակներէն չորսը կը բռնեն և հրացանները ձեռքերէն կտռնեն. բայց նոյն գիւղացի Թաթօն, որ Ներսէս վարդապետ Խարախանեանցի հակառակորդներէն մին է, հրացանները ետ կը վերադարձունէ քրդաց, որք իրեն ծանօթ բարեկամներ եղած են: Պաղլուցիք ժամանակ մը ցիր ու ցան լինելէ վերջ՝ կրկին վերադարձան իրենց գեղ:

Մայիս 19-ին Սասնոյ Քաջքիկ գեղացի Իպրահիմ տղայ Սօֆի Իպրահիմը, գոմբրկերցի Ասուածատուրը կսպանէ, իւր աւելի պահանջած պէշը չտալուն համար:

Մուշէն հայերէն և քրդերէն բաղկացեալ քարվան մը 200 գրաստով, որ Արգին Փարգին ցորենի կերթար, Փարգին չհասած խէյանցի քրդաց կողմանէ միմիայն կը թալանւին հայերը, իսկ քրդերը ազատ կը թողւին:

Հասանցի 30 ձիաւոր յուլիս 1-ին Հացիկ(Մշոյ-Դաշտի)գեղի վրայ յարձակելով նոյն գեղացի Թօրէ աւուն անձի նահապետական մեծահարուստ տունը կը թալնեն:

Յուլիս 3-ին Ախշան գիւղէն ոչխար կը տանին և ոչխարի տէրը կսպանեն:

Յուլիս 20-ին Պօղբցիներու գլխաւոր Չէլէպ անուն քիւրդը Արգիայ Զաքար և Մակար անուն երկու հա-

յերը ճամբան կողոպտելէն վերջ՝ կը շղթայէ և արձակելու համար կը պահանջէ 14 քիսէ զը, իր այնալին ու դիտակը, զորս անոնց աղան՝ Պարի Խալիլը խլած է ուրիշ տուն:

Յուլիս 23-ին յիշեալ ցեղի քրդեր նոյն գեղէն մօտ 200 ոչխար թալան կը վերցունեն և ոչխարաց տիրոջ՝ Օհանի ոտքն ալ կը վիրաւորեն:

Յուլիս 22-ին տղերնիցի(Թէլէքցի)քրդեր Թարուք հայ գեղի բոլոր ոչխարները կը տանին:

Սասունցի Մաքօ Խարչինի տղաքը գիշերով խրտանցի Ըրգոյի տան վրայ յարձակելով՝ կը թալնեն գոյքերը:

Նոյն քրդերը զարիբունցի Դամոյի տունը թալնելէն ետք՝ անոր երկու տղերքը Թամօն ու Սագօն կը ձերբակալեն և իրենց հետ կը տանեն. բաց թողնելու համար 1200 զուրուշ, կով մը և էշ մը կը պահանջեն:

Խէյանցի նշանաւոր աւազակապետ Թրմօ Մըհէ աւուն քիւրդը տեսնելով որ իշխնձորցիք իւր զօգանը գրաւած են, մեծ բազմութեամբ իշխնձորցոց խուղերուն վրայ կը յարձակի, բայց ամթահար ետ կը դառնայ:

Լաճրգանցի չորս քրդեր բանձար հաւաքող շէնքցի կանանց վրայ կը յարձակին թալնելու: Քրդան մէկը թրով կը զարնէ Մօսէի տան Շաքէ անուն կնկայ ծնկան. սա հերոսուհին քաջաբար կուելով քրդու ձեռքէն սուրը կը խէ և գետին պարկեցնելով լաւ մը կը ծեծէ զքիւրդ և սուրը իբրև յաղթական նշան տուն կը տանէ:

Հրութ գիւղէն փախցւած կինը, զոր փախցուցած էին ձեւալցի Քեաղմենց Սըլէն, որոյ ձեռքէն խլած էին Շէհոյի տունը, կը մեռնի իւր քաջած չարչարանքէն մինչև որ տուն կը հասնի:

Վէլիէկուզանի մօտ Անտօբայ սարին վրայ քրդու մը գիակը կը գտնուի և կը ներկայացնուի մօտը գտնւած զօրաց, որք կը պատասխանեն թէ՛ յմենք մեր կեանքէն կը վախնանք, ուր մնաց ձերը:»

Հեղին գեղացի Միօ Վարդանը ձերբակալելէ և կրօրիկ գուամար մը(մօտ 100 օս. ոսկի)կաշառք ուտելէ վերջն թողուցին:

Մշոյ վաճառականներէն Պտէեան Գասպար աղայի տուն խուզարկելով՝ երկու ըէփօլվէր կը գտնին: Նորա եղբայրը՝ հաճի Կարապետն էլ ձերբակալեցին և ժամանակէ մը վերջ կը թողուն(ի հարկէ կաշառքով): Քանիցըս այսպէս բռնել ու թողնէ վերջ, վերջապէս կը զրկեն Բաղէշ քաւարանէն անցնելու համար: Այն հարուստները, որք ցարդ 100 փարայ ազգին տւած չունին, այժմ 200 ոսկին մէկէն կը թափեն շան բերան՝ միայն իրենց անձը ազատելու համար. բայց իրենց սերունդը ազատելու համար տակաւին կը խնայեն:

Շէնքցի Գընէի Ըրգոյի տղան Կարապետը Մուշ քաղաքին մէջ կը ձերբակալեն և չեն թողեր, աւարկելով թէ սա սեւալցի ձերբակալեալ ըէս Գորգէի աներձագն է: Յիշեալ Գորգէն մատնւած էր իբր յեղափոխական:

Պուլանխայ Քոփ գեղի քահանան և Լիղ գեղի Լեւոն վարժապետը կը ձերբակալին:

Խնուսէն 60 մարդու ձերբակալման հրաման խրկւած է Կարինէն: Կը գտնուին տակաւին խել մը անգէտներ,

«գասը չէ, որ գրանք վազուում են նրա փիճակով, բայց յուլիսի համար անհրաժեշտ պայմաններ են, որովհետև»

որք թերահաւատ լինելով հայկական խնդրոյ լուծման մասին, ոչ միայն չեն հաւատար, այլ ընդհակառակը, կաշխատեն խանգարել գործի ուղղութիւնը: Այդպիսիք ի հարկէ իրաւունք ունին իրենք զիրենք թուրք կառավարութեան բարեկամ կոչելու և անոր բարեկամութեանը վրայ կատարեալ վստահ լինելու: Աւրախութիւն է ըսել, որ այժմ այդպիսիք ևս կասկածելի կը ներկայանան կառավարութեան առաջ և կը փախնին անկէ: Այդ կարգին են Շատախու Քոփ, Կիրմաւ, Գեղաշէն, Տափըզ, Շուքրամբէկ և Ավկարմ գիւղերու ուսններն ու գլխաւորները, որք այժմ փախստական եղած են:

Մշոյ կառավարութիւնը Մշոյ բոլորտիք գտնւած հայ կասկածելի գեղրանց մասին լիովին ապահով լինելու համար Խէյանցոց, Բագրանցոց, Խարիզանցոց, Բըշկոտցոց և Պատիրանցոց քէօջերը հրաւիրած է, որ գան իրենց զօգանը Մշոյ սարին հաստատեն: Այդ յիշած աշիրներու քէօջերն ինչ չարիքներ չեն հասուցած խեղճ դաշտեցոց: Քէօջերն անցնելու ատեն ճամբու վրայ գրտնւած հայ գիւղացիք քարերու, ժայտերու մէջ կը փախչին վախերէն:

Յուլիս 10-ին Ալպուհարի կնկտիք գազպին հաւաքելու ատեն պէլէքքի հինգ քրդեր անոնց վրայ կը յարձակին: Մին այնքան կը ծեծեն, որ 2-3 օր վերջ կը մեռնի և մի ուրիշն ալ ձեռքէն կը վիրաւորեն:

Նոյն ցեղին պատկանող մի քանի ուրիշ քրդեր Օղունայ հայ կին մը փախցնելու կերթան: Արպէս զի կնիկըն իւրացնելու խնդիրը վճռողականապէս վերջացելի, կուզեն նախ տան միջի էրիկ մարդիկը սպանել և ապա կինը փախցունել, բայց կինը ինչպիսիք թէ մարդիկը և թէ ինքզինք կազատ հետևեալ կերպով: Կինը քրդաց կըսէ. «չէ որ ես իմ կամբովս ձեր հետ կուգամ և կը թրքանամ, այլ ևս ինչ պէտք է անոնց արիւնը մտնել միայն թէ ապահով լինելու համար երթանք դատաւորին մօտ և անոր ներկայութեան կտրենք քէպին, որպէս զի մի քանի օր ձեր քէֆը լրացնելէ վերջ զիս չթողնէք:» Քրդեր կը հաւանին և կերթան Քոլոսկայ զազին(գատաւորին), որի ներկայութեան կինը կը պոռայ. «Ես հայ եմ և զիս բռնի տանել և թրքացնել կուզեն:» Արքան ալ քրդեր ճնշում բանեցնել կը ձգնեն, բայց սոյն գեղի հայեր քաջութեամբ կը պաշտպանեն և կազատեն կինը:

Յուլիսի 22-ին Մելքոյի Կէլինի քրդերէն Սէլիմի տղաքը բռնութեամբ կը տանեն Արդկուլնցի Ստեփանի քանի մը հատ ոչխարները: Այդ քրդերը աւելի անոր համար կատղած են, որ Իշխնձորի դէպքը պատահեցաւ, որովհետեւ ցարդ հլու և հնազանդ ոչխարագլուխ հայէն այդպիսի յանդգնութիւն չէին սպասեր և հետևաբար կը ջանան կորիւնը խեղդել: Բայց կորիւնը պիտի դառնայ առիւծ և յօշոտէ զիրենք:

Մշոյ գիւղերու աշարը ծախսւելու վրայ է: Ոչ մի հայ չի համարձակիր միւղայիտէին մօտենալ: Ղաւաշոտ քրդերը կը կուին այն հայ գեղին համար, ուր գեղեցիկ կնիկներ կը գտնուին: Եթէ քիւրդը ամեն տեսակ հաճոյքները վայելելէ ետքը կրկնապատիկը չվաստկի, չը գնելու Գիւղի արդիւնաբերութիւնը որքան ալ սուղ լի-

նի, նա իր ուղած քանակութիւնը կը լրացունէ: Տիգրանակերտի մօտերը բնակուող 1000 համարիէն բու գլխաւոր հրամանատար Իպրահիմ փաշի տունը կը թալնեն Էնըզ արապները, որոնց վրայ զօրք կը քաշվի ասկէ մէկ ու կէս ամիս առաջ:

Յուլիս 24-ին Փսանայ գաւառի 27-30 պանդուխտներ Հալէպէն վերադարձնուն Պիրմի մօտ Խէյանցու Հուսէյին աղայի տղան՝ Սլօն և իւր հօրեղայրն իրենց մարդիկներով կը թալնեն և կը տանին 110 մէճիտի: Այդ ողորմիկները չթալնելու և ճամբան ապահով անցնելու համար իրենց առաջնորդ կառնեն երկու քիւրդ վճարելով 20 մէճ, բայց այդ առաջնորդներն դէպքէն առաջ կծիկը կը դնեն:

Թիֆլիզից մեզ գրում են, որ այնտեղի եկեղեցիներէ մէկուս ահագին բազմութեան ներկայութեամբ հոգեհանգիստ է կատարուել Թահսի փաշայի սպանողի համար, որն անմիջապէս վերջ է տւել իր կեանքին:

Ներխառութիւնների ցուցակը.—
 «Անկեթանոց»-ից 62 ռուբ., 96 ռ., 11 ռ. «Կողթայից» 15 ռ., 150 ռ. 70 կ. «Կայծիկից» 85 ռ. 70 կ., 86 ռ. 85 կ., 28 ռ. № 39 թ. 41 ռ. № 80 թ. 3 ռ. № 111 թ. 28 ռ. 70 կ. № 73 թ. 16 ռ. 50 կ. Ա. Մ. Տ.-ից 10 ռ. Կ. պ. ք. Արամից 70 ռ. Գձ-ից 150 ռ. (Ատ. հր.) Բթ-ից 100 ռ.
 Խ-ի ուս. գպպ-ից 200 ռ. Եսպօնացուց 172 ռ. Լակլ. ձեռ. 173 ռ.
 Օր. Մ. 20 ֆր. Օր. Ե. 30 ֆր. Տիկ. Լ. 10 ֆր.
 Վ. քաղաքից Ղարա Մէլիքի միջոցով յօգուտ «Դրօշակի» տպարանին պ. պ. Միհրանից և Արամից 100-ական ֆր. Բացի այդ՝ պ. Վարդերեսից 100 ֆր. և Նից 100 ֆր. Մի Բօլգարացուց 50 տաճկ. հոխայ տառ:

«Արջք օրհասականք հզօրագոյնս կուին:»
 Հնչակի նախավերջին համարում ասուած է, որ զանազան անձինք գողանում են իր թղթակցութիւնները և սեփական ոսկու աեղ ծախում: Սրա հետ միասին նա սպառնալիքներ է կարդում, որ ուրիշ բաներ ևս ունի յայտնելու, որ «այլ ևս ուրիշ կերպ կը վարուի»: Իսկ Հնչակի միմոսական օրգան Ապտակում ամենալկտի կերպով յայտնում է, որ այդ գողը «Դրօշակն» է: Միմոսական լկտութիւնների պատասխանելու վարկեան անգամ ժամանակ չունենք: Իսկ «Հնչակին» մենք ասում ենք, որ դա ամենաստոր ստութիւն ու զրպարտութիւններ են: Քաջութիւն ազնուութիւն ունէք, պարզ և փաստերով զրեցեք և այն ժամանակ միայն կստանաք ձեր փաստացի հերքումը:
 Մենք սպասում ենք, որ «Հնչակն» իր խոստացած սպառնալիքները կատարի: Ցանկալի է սակայն, որ դա ևս չենթարկուի իր վերաբերմամբ մեր արած քննութեան խոստացած պատասխանի օրին:

Դաշնակցութեան անձանթներէ խնդրում է թըլթակցութեան և նուիրատուութեան համար գիմը. L. Boole, 15, Augustus Rd. Hammersmith, W. London. Վիեննա. Դաշնակցութեան ազատ տպարան